

UGOVOR

o uslugama osiguranja motornih vozila Fonda memorijala

I UGOVORNE STRANE

Član 1.

- Ugovorni organ:** Fonda kantona Sarajevo za izgradnju i očuvanje grobalja šehida i poginulih boraca, memorijalnih centara i spomen obilježja žrtava genocida - Sarajevo, Ul. Širokac 22., koji zastupa Direktor Suad Zijadić (u daljem tekstu: Ugovorni organ)
- Dobavljač:** "SARAJEVO OSIGURANJE", dd. , ul. Maršala Tita br.29, Sarajevo, koga zastupa direktor Kulić Arif (udaljemtekstu: Dobavljač)
- Osiguranik:** Osiguranja motornih vozila (polise obaveznog osiguranja i polise kasko osiguranja). U skladu sa ponudom broj: 01-400/18 od 02.02.2018.godine koja je sastavni dio ovog ugovora.

II PREDMET

Član 2.

Predmet ovog Ugovora je osiguranje motornih vozila Fonda memorijala (polise obaveznog osiguranja, polise kasko osiguranja) kako je navedeno u Prilogu br. 1 ovog ugovora, a u skladu sa Specifikacijom iz ponude Dobavljača broj: 01-400/18 od 02.02.2018. godine koja je sastavni dio ovog Ugovora.

Član 3.

Provođenje ovog ugovora će se izvršiti pojedinačnim policama u kojoj će se utvrditi osigurane sume i premije osiguranja u skladu sa članom 2. ovog Ugovora. Ugovorne strane su saglasne da će auto-odgovoernost plaćati odmah a ne u ratama, a kasko najkasnije poslije ispostavljene fakture do 30 dana.

III OBAVEZE UGOVORNOG ORGANA

Član 4.

Ugovorni organ se obavezuje da će, 7 dana prije isteka osiguranja, dostaviti Dobavljaču sve neophodne informacije o m/v (podacima o vrsti, marki, brojem šasije, snazi motora izraženoj u (KW), zapremini izraženoj u cm³, nosivosti, broj lica za osiguranje itd.), na koje se osiguranje odnosi u skladu sa članom 2. i za iste uplatiti premiju osiguranja Dobavljaču.

Član 5.

Ugovorni organ će pismeno obavjestiti Dobavljača o licima koja su ovlaštena za realizaciju ovog ugovora iz člana 4. ovog ugovora, kao i pojašnjenja o realizaciji istog.

IV OBAVEZE DOBAVLJAČA

Član 6.

Dobavljač će u roku od 1 radnog dana po prijemu potrebnih informacija iz člana 4. ovog ugovora izvršiti osiguranje u skladu sa članom 2., 3., 4. i 5. ovog Ugovora.

Član 7.

Kod obrade dostavljenih podataka Dobavljač će posebno voditi računa o stavkama koje se tiču slijedećih uslova:

- pružanje pomoći pri kompletiranju dokumentacije za plaćanje ostalih obaveza za registraciju m/v,
- pružanje pomoći pri kompletiranju dokumentacije i predaju iste nadležnom organu za registracije m/v,
- kvalitetna i ažurna obrada i likvidacija šteta,
- pružanje stručne pomoći, besplatnog vještačenja, pravne pomoći, procjene, ugriranja i sl. kod šteta koje su obaveza drugih osiguravajućih društava,
- pružiti pomoć pri plaćanju troškova registracije koji nisu definisani Poglavljem II (PREDMET), a vezani su za registaciju vozila iz Priloga br. 1. ovog ugovora i Specifikacije iz ponude Dobavljača broj: 01-400/18 od 02.02.2018. godine. Član 9. i 10. ovog ugovora ne odnosi se na troškove registracije.

Član 8.

U cilju ostvarivanja prava iz ovog Ugovora Dobavljač će dostaviti Ugovornom organu spisak svih filijala i podružnica po općinama koje pokrivaju na teritoriji Bosne i Hercegovine, radno vrijeme, adresu i kontakt telefon odgovorne osobe, a sve u roku od 7 dana od dana potpisivanja ovog Ugovora.

V VRIJEDNOST UGOVORA

Član 9.

Ukupna vrijednost svih predmetnih usluga iz ovog ugovora iznosi 2.974,20 KM (slovima: (dvijehiljadedevetstotinasedamdesetčetiri i 20/100 KM), oslobođeno plaćanja PDV-a prema članu 25. Zakona o PDV-u („Službeni glasnik BiH“, broj 09/05).

VI NAČIN I ROK PLAĆANJA

Član 10.

Plaćanje ugovoreni usluga vršit će se na osnovu ispostavljenih faktura u roku od 30 (trideset) dana od dana nastanka DPO, u jednakim mjesečnim ratama po ispostavljenoj fakturi, a auto-odgovornost u ukupnom iznosu.

VII ROK ISPLATE ŠTETE

Član 11.

Od kompletiranja dokumentacije Dobavljač će izvršiti isplatu štete u roku od 1 (jednog) dana.

VIII TAJNOST UGOVORA

Član 12.

Ugovorne strane su dužne sadržaj ovog Ugovora, podatke koji budu dostavljeni Dobavljaču kao i sva druga dokumentacija koja proizilazi ili je na bilo koji način vezana za ovaj Ugovor, tretirati kao službenu tajnu i u tom smislu preuzimaju punu moralnu, materijalnu i krivičnu odgovornost.

IX RJEŠAVANJE SPOROVA

Član 13.

Ugovorne strane su saglasne da će sva eventualna sporna pitanja riješavati sporazumno u duhu međusobnog razumjevanja i dobrih poslovnih običaja.

Član 14.

Ukoliko Ugovorne strane ne postignu sporazumno rješenje za rješenje spora nadležan je Sud u Sarajevu.

X PRELAZNE I ZAVRŠNE ODREDBE

Član 15.

Ukoliko dođe do promjene premija osiguranja usljed promjene zakonskih propisa potpisati će se novi ugovor sa Dobavljačem, uz obavezu Dobavljača da o naprijed navedenim promjenama blagovremeno pismenim putem obavijesti Ugovorni organ.

Član 16.

Za sve ostalo što nije predviđeno ovim Ugovorom primjenjivat će se Zakon o obligacionim odnosima.

Član 17.

Ugovor stupa na snagu danom potpisivanja obje ugovorne strane i primjenjuje od 28.02.2018 godine do 28.02.2019 godine.


Član 18.

Ovaj Ugovor je sačinjen u 4 (četiri) istovjetna primjerka od kojih svaka ugovorna strana zadržava po 2 (dva) primjerka.

Član 19.


Ugovorne strane saglasno izjavljuju da su ugovor pročitale, razumjele i da ugovorene odredbe u svemu predstavljaju izraz njihove stvarne volje.

ZA UGOVORNI ORGAN
Zijadi [redacted] direktor



Broj: 13-14-02-50/18
Sarajevo, 02.03.2018. godine

ZA DOBAVLJAČA
[redacted] direktor



Broj: 01-732/18
Sarajevo, 18.03.2018.